

王承略 劉心明 主編

# 二十五史藝文經籍志考補萃編

第十六卷

一志存書法

佚名 撰  
陳金麗 郭偉宏 整理

清華大學出版社

王承略 劉心明 主編

# 二十五史藝文經籍志

## 考補萃編

第十六卷

一志存書述略

佚名  
陳金麗 郭偉宏 整理

清華大學出版社 北京

版權所有，侵權必究。侵權舉報電話：010-62782989 13701121933

**圖書在版編目(CIP)數據**

二十五史藝文經籍志考補萃編. 第16卷/王承略, 劉心明主編. --北京: 清華大學出版社, 2014

ISBN 978-7-302-33268-8

I. ①二… II. ①王… ②劉… III. ①中國歷史—古代史—紀傳體 ②《二十五史》—研究 IV. ①K204.1

中國版本圖書館 CIP 數據核字(2013)第 165711 號

責任編輯: 馬慶洲

封面設計: 曲曉華

責任校對: 劉玉霞

責任印製: 楊 艷

出版發行: 清華大學出版社

網 址: <http://www.tup.com.cn>, <http://www.wqbook.com>

地 址: 北京清華大學學研大廈 A 座 郵 編: 100084

社總機: 010-62770175 郵 購: 010-62786544

投稿與讀者服務: 010-62776969, [c-service@tup.tsinghua.edu.cn](mailto:c-service@tup.tsinghua.edu.cn)

質 量 反 饋: 010-62772015, [zhiliang@tup.tsinghua.edu.cn](mailto:zhiliang@tup.tsinghua.edu.cn)

印 刷 者: 清華大學印刷廠

裝 訂 者: 三河市金元印裝有限公司

經 銷: 全國新華書店

開 本: 148mm×210mm 印 張: 9 字 數: 197 千字

版 次: 2014 年 3 月第 1 版 印 次: 2014 年 3 月第 1 次印刷

定 價: 43.00 元

---

產品編號: 043541-01

《二十五史藝文經籍志考補萃編》編纂委員會

學術顧問：董治安

主編：王承略 劉心明

副主編：馬慶洲 陳錦春 朱新林

常務編委：項永琴 尹承 張海峰 張祖偉 王正一  
張緒峰

編委：董建國 劉克東 盧芳玉 郭偉宏 周晶晶  
蘇麗娟 馬小方 許建立 張雲 馬常錄  
李林 李湘湘 陳金麗 梁瑞霞 朱莉莉  
李凌 王盼 魏奕元 蔡喆 郭怡穎

校對組成員：辛世芬 謝麟 呂婷 王蕾 王慶玲  
楊俊秀 王緒福 張倩 鄭民令 宋凱

# 目 錄

經部 .....	3
易 .....	3
書 .....	25
詩 .....	35
禮一 .....	46
禮二 .....	49
禮三上 .....	55
禮三下 .....	60
禮四 .....	62
樂 .....	65
春秋一 .....	67
春秋二 .....	75
春秋三 .....	78
春秋四 .....	81
孝經 .....	82
論語 .....	87
孟子 .....	93

爾雅	95
諸經總義	97
小學一	101
小學二	104
小學三	113
<b>史部</b>	<b>115</b>
正史	115
編年	122
別史	124
雜史	127
傳記	129
載記	132
地理	137
政書	140
<b>子部</b>	<b>142</b>
儒家	142
兵家	163
法家	166
農家	171
醫家	174
天文算法	180
術數	185
藝術	190

譜錄 .....	191
雜家 .....	191
類書 .....	209
小說家 .....	210
道家 .....	224
集部 .....	237
楚辭 .....	237
別集 .....	238
總集 .....	248
詩文評 .....	249
二志未收書述略 .....	252

# 二志存書述略

佚名

撰

陳金麗

郭偉宏

整理



底本：民國排印本（整理者按，此書藏山東大學圖書館，無撰者名氏，疑常麟書撰）

## 經部

### 易

#### 子夏易傳十一卷

《隋志》：《周易》二卷，魏文侯師卜子夏傳。殘缺。梁六卷。  
 本書提要云：《子夏易傳》，舊本題卜子夏撰。案說《易》之家，最古者莫若是書。其偽中生偽，至一至再而未已者，亦莫若是書。唐以前所謂《子夏傳》已爲偽本，晁說之《傳易堂記》，又稱今號爲《子夏傳》者，乃唐張弧之《易》。是唐時又一偽本並行，故《宋國史志》以假託《子夏易傳》，與真《子夏易傳》，兩列其目，而《崇文總目》亦稱此書篇第略依王氏，決非卜子夏之文也。朱彝尊《經義考》證以陸德明《經典釋文》、李鼎祚《周易集解》、王應麟《困學紀聞》所引，皆今本所無。德明、鼎祚猶曰在張弧以前，應麟乃南宋末人，何以當日所見與今本又異？然則今本又出偽託，不但非子夏書，亦並非弧書矣。

#### 周易註十卷

《隋志》：《周易》十卷，魏尚書郎王弼注六十四卦六卷，韓康伯注《繫辭》以下三卷，王弼又撰《易略例》一卷。  
 本書提要云：《周易註》併王、韓爲一書，其來已久。自鄭玄傳費直之學，始析《易傳》以附經，至弼又更定之。鄭本尚以《文言》自爲一傳，所割以附經者，不過彖傳、象傳。今本乾、坤二卦各附《文言》，知全經皆弼所更定，非鄭氏之舊也。弼之說《易》源出費直，直《易》今不可見。然荀爽《易》即費氏學，李鼎祚書尚頗載其遺說。大抵究爻位之上下，辨卦德之剛柔，

已與弼註略近。但弼全廢象數，又變本加厲耳。平心而論，闡明義理，使《易》不雜於術數者，弼與康伯深為有功。祖尚虛無，使《易》竟入於老、莊者，弼與康伯亦不能無過。瑕瑜不掩，是其定評。諸儒偏好偏惡，皆門戶之見，不足據也。

《易》本卜筮之書，故末派寔流於緯讖。王弼乘其極敝而攻之，遂能排擊漢儒，自標新學。然在當日已有異同，此揚彼抑，互詰不休。至唐孔穎達等奉詔作疏，始專崇王註，而衆說皆廢。

## 附輯佚本

### 歸藏一卷

《隋志》：《歸藏》十三卷，晉太尉參軍薛貞注。

本書提要云：“《周禮·春官》‘太卜掌三易之法，一曰連山，二曰歸藏，三曰周易’，鄭玄注：‘歸藏者，萬物莫不歸而藏於中。’《禮記·禮運》孔子曰‘吾欲觀殷道，是故之宋，而不足徵也，吾得坤乾焉’，鄭注云：‘殷陰陽之書，存者有《歸藏》。’是以《歸藏》為殷易矣。《漢書·藝文志》不著錄，《晉中經簿》始有之。《隋書·經籍志》有十三卷，《唐書·藝文志》卷同。宋《中興書目》載有三篇。諸家論說，多以後出疑其偽作。楊慎云：‘《連山》藏於蘭臺，《歸藏》藏於太卜，見桓譚《新論》。則後漢時《連山》、《歸藏》猶存，未可以《藝文志》不列其目而疑之。’今玩其遺爻，奇古可誦，與《左氏傳》所載諸繇詞相類。《焦氏易林》源出於此。但殷易而載武王枚占、穆王筮卦，蓋周太卜掌其法者推記占驗之事，附入篇中，其文非漢以後人所能作也。今並宋時三篇亦佚。朱太史《經義考》搜輯甚詳，據以為本，間有遺漏，為補綴之，並附諸家論說為一卷，以此

與世傳《三墳》書，所謂氣墳歸藏者，互較參觀，其真贋可以辨矣。”

### 周易子夏傳二卷

本書提要云：“子夏之《傳》，漢代所師承也。劉向以爲韓嬰作，荀勗以爲丁寬作，張璠以爲馯臂作、薛虞記，必其所說與子夏同。漢、晉人及見丁、韓諸傳，故有是論，非後人懸揣之比。蓋此書自馯臂傳之，至丁寬、韓嬰得而脩之，載入己書中，如毛萇說《詩》，首列子夏《小序》之類。故班《志》《易》十三家，有《丁氏》八篇，《韓氏》二篇，而不云子夏。猶之《毛詩》但言毛傳，而不別著《小序》之目也。薛虞記述以後，子夏《傳》乃單行，故《隋》有二卷也。唐初最重此書，僧一行《易纂》、孔氏《正義》、陸氏《釋文》亟引之。明皇欲頒行學校，爲議者格廢不果，書遂淪沒。李鼎祚集古《易》三十餘家，僅存數節，此外蓋無聞矣。後人不見原書，張弧輩遂用王弼本，別撰十卷，或有增至十一卷者。惠徵君棟謂以《釋文》及李氏《集解》校之，無一字相合。諸儒所指僞子夏《傳》，乃此十卷後出之本，非二卷殘闕之本也。武威張太史澍輯此篇刻入《張氏叢書》，今據校錄，分爲二卷，仍《隋志》之舊目也。”

### 蔡氏易說一卷

《漢志》：《蔡公》二篇，衛人，事周王孫。

本書提要云：“《易說》一卷，漢蔡景君撰。景君，當是蔡氏之字，名爵未詳。虞翻稱彭城蔡景君說，翻生漢季，及引述之，則蔡氏漢人，在翻前。考《漢書·藝文志》有《蔡公易傳》二篇，注：‘蔡公，衛人，事周王孫。’意景君即蔡公。殆衛人而官彭城，虞氏稱其官號，如南郡之稱馬融，長沙之稱賈誼歟？《隋志》不載，書佚已久。《集解》引止一節，朱震《漢上易叢說》推廣其卦變之說，一家法度猶存，據輯以質世之治漢學者。”

## 丁氏易傳二卷

《漢志》：《丁氏》八篇。名寬，字子襄，梁人也。

本書提要云：“《易傳》二卷，漢丁寬撰。寬梁人，景帝時爲梁孝王將軍，事蹟具《漢書·儒林傳》。寬受《易》於田何，又從周王孫受古義。傳同郡碭田王孫，王孫授施讐、孟喜、梁邱賀。傳稱作《易說》三萬言，訓故舉大誼而已。《藝文志》易家《丁氏》八篇，《隋志》不著錄，佚已久。攷陸氏《釋文》，《子夏易傳》下，引荀勗云‘丁寬所作’，則丁傳必本子夏而成。推其義例，或如毛萇之《詩傳》歟？今既輯錄《子夏傳》，即據《中經簿》所云，轉屬丁氏，師承淵源，可以考見。又沛人高相治《易》，與費公同時，其學亦亡章句，專說陰陽災異。案《家語》載子夏論《易》陰陽一篇，文理精微，《大戴禮》取之，稱《易本命》。既是一家之學，附錄于後，高氏絕學，亦見一斑云。”

## 周易韓氏傳二卷

《漢志》：《韓氏》二篇。名嬰。

本書提要云：“《周易傳》二卷，漢韓嬰撰。嬰燕人，官至常山太傅，事蹟見《漢書·儒林傳》。嬰以《詩》著名，亦以《易》授人，推《易》意而爲之傳。《漢·藝文志》《易》十三家，有《韓氏》二篇，注‘名嬰’。其書已佚，惟《蓋寬饒傳》引一節，他無所見。考王儉《七志》引劉向《七略》云：‘《易傳子夏》，韓氏嬰也。’則《子夏傳》爲嬰之所修。與《中經簿錄》謂《子夏傳》丁寬所作者，同是本子夏而暢明之。卜《易》之贊於丁、韓，猶卜《詩》之闡於毛、鄭。故既依《隋志》別出子夏一家，並以其傳之佚說屬之丁氏、韓氏，備考源流，無嫌重複。又史稱《韓氏易》深，必有發揮奧旨，羽翼微言者，惜莫可徵見。第從《韓詩外傳》得其說《易》，凡六節，觸類引伸，以名言而發精理。雖非本書，足補殘缺。茲並掇輯，釐爲二卷。”

### 周易古五子傳一卷

《漢志》：《古五子》十八篇，自甲子至壬子，說《易》陰陽。

本書提要云：“《周易古五子傳》，撰人名氏缺。劉向《別錄》云：‘所校讐中《古五子書》，除複重，定著十八篇。分六十四卦著之辰，自甲子至壬子，凡五子。’《漢志》亦十八篇，《隋志》不著錄，書佚已久。考《漢書·律曆志》引傳，有‘日有六甲，辰有五子’之語。下又引《易》‘九疋’，孟康注云：‘《易》傳也。中言陰九陽九、陰七陽七、陰五陽五、陰三陽三，皆以陰陽之數推歲，以定水旱之災。’如淳注：‘積算甲子甚詳。’此蓋《古五子傳》之佚文，漢魏人及見而引述之。又《吳都賦》注引《易說陽九》一書之文，古帙雖亡，猶可補綴而得其大要云。”

### 周易淮南九師道訓一卷

《漢志》：《淮南道訓》二篇，淮南王安聘明《易》者九人，號九師說。

本書提要云：“《周易九師道訓》，漢劉安撰。安，厲王長子，文帝時封淮南王，事蹟見《漢書》本傳。劉向《七略別錄》云：‘所校讐中《易》傳《淮南九師遺訓》，除複重，定著十三篇。淮南王聘善《易》者九人，從之採獲，故書中署曰《淮南九師書》。’九師，不詳何人。高誘《淮南鴻烈解·序》：‘天下方術之士多往歸焉，於是遂與蘇飛、李尚、左吳、田由、雷被、毛技、伍被、晉昌等八人，及諸儒大山小山之徒，共講論道德，總統仁義，而著此書。’然則《道訓》之九師，亦其流也。陳振孫《書錄解題》以荀爽九家當之，誤矣。文中子《中說》云：‘九師興而《易》道微。’觀其命書之義，頗涉玄宗。或有道其所道，而無資於聖經者，遂以來河汾君子之譏乎？《隋》、《唐志》皆不著錄，其佚已久。《文選》注兩引其訓‘飛遯’之語，此外罕見稱述。朱彝尊《經義考》謂《鴻烈解》引《易》曰‘剝之不可遂盡’

也，故受之以復’，此則《道訓》之《序卦傳》文。案九師之書，定於淮南。《鴻烈》所引，自與《道訓》合。丁民槐箋《困學紀聞》，亦以陰陽言日夕，為《道訓》之說。竹垞之言，信而可徵。茲採《淮南書》中諸引《易》語，輯為一卷，聊存《道訓》之遺。”

### 周易施氏章句一卷

《漢志》：《易經》十二篇，施、孟、梁邱三家章句。施、孟、梁邱氏各二篇。

本書提要云：“《周易章句》一卷，漢施讐撰。讐字長卿，沛人，與孟喜、梁邱賀並受《易》於田王孫。宣帝詔拜博士。甘露中，與五經諸儒雜論同異於石渠閣，見《漢書·儒林傳》。晉永嘉之亂，施《易》已亡。今其佚說，惟許慎《五經異義》引一節，陸德明《釋文》、朱震《漢上易》引二事而已。考本傳，讐授張禹，禹授淮陽彭宣，《漢書》宣傳尚有說《鼎卦》一節，蓋述施氏義也。又考熹平中，蔡邕奉詔書石經，《易》用三家經本，《釋文》引石經止一條，凡邕引《易》，要是石經本字，並據採輯為一卷。至漢代諸儒多引《易》說，未能區分，不具錄云。”

### 周易孟氏章句二卷

《漢志》：十二篇。又《孟氏京房》十一篇，《災異孟氏京房》六十六篇，章句二篇。

《隋志》：《周易》八卷，漢曲臺長孟喜章句，殘缺。梁十卷。

本書提要云：“《周易章句》二卷，漢孟喜撰。喜字長卿，東海蘭陵人，官至曲臺署長，事蹟見《漢書·儒林傳》。喜受業於田王孫，傳田何之《易》。《釋文·序錄》云：‘十卷，無《上經》。’又引《七錄》云：‘《下經》無《旅》至《節》，無上《繫》。’《唐志》尚著錄十卷，今佚。惟《釋文》及《正義》、《集解》間引之。唐《大衍曆議》云：‘十二月卦，出于《孟氏章句》，其說《易》本

於氣，而後以人事明之。’亦引孟氏說《震》、《坎》、《離》、《兌》四卦義，及六十卦用事，配七十二候圖。又許慎《說文·序》云《易》用孟氏，而所著《五經異義》引孟、京說。又虞翻自言世傳《孟氏易》，則許、虞二家所引，與今《易》異者，皆佚說也。並据輯錄，依十二篇次第，釐爲二卷。其說精微奧衍，於陰陽消息，獨見發揮。雖斷簡殘編，而田何一綫之傳，藉以不墜矣。”

### 周易梁邱氏章句一卷

《漢志》：十二篇，章句二篇。

本書提要云：“《周易章句》一卷，漢梁邱賀撰。賀字長公，琅琊諸人，官至少府，事蹟見《漢書·儒林傳》。賀本從大中大夫京房受《易》，更事田王孫。宣帝時，與施讐、孟喜並立於學。賀與施、孟雖同事田王孫，而卒以京顯。至其子臨，專行京房法。可見賀傳兩師之業，義訓必不能盡同。故班《志》於‘經十二篇’統云三家，明其文之不異。於章句云‘各二篇’，見其義之不盡同也。其《易》盛於後漢，張興傳其學，弟子著錄萬有餘人。至西晉永嘉之亂，與《施易》並亡。陸德明《釋文》，‘莧’‘陸’引三家音，‘先心’引石經外，別無顯徵。考本傳，琅琊王吉通五經，聞臨說，善之，乃使其子駿從臨受《易》。臨傳五鹿充宗，充宗授齊衛咸。咸，王莽講大夫。又後漢范升，與梁恭、呂羌俱修梁邱氏。茲從《宣元六王傳》得王駿引《易》一節，《王莽傳》得引《易》六節，《范升傳》得引《易》二節。又蔡邕引《易》本石經，爲三家佚說者，凡得七節。合爲一卷。如范所引‘正其本，萬事理’，與太史公引《易》同，而今《易》無之。太史公學本楊何，梁邱行京法，亦淵源於楊氏，此真古《易》之語，而王輔嗣佚之者。得麟一角，而古今因革之會，判於此矣。”



### 周易京氏章句一卷

《漢志》：《孟氏京房》十一篇，《災異孟氏京房》六十六篇，《京氏段嘉》十二篇。

《隋志》：《周易》十卷，漢魏郡太守京房章句。

本書提要云：“《周易章句》一卷，漢京房撰。房本姓李，吹律自定為京氏，字君明，東郡頓邱人。受《易》梁人焦延壽，官至魏郡太守，見《漢書·儒林傳》。案漢宣帝時，以《易》授梁邱賀者，亦京房。淄川楊何弟子，官至大中大夫，為齊郡太守，顏師古謂別一人。賀傳子臨，專行京法，不聞有所撰作。元帝立《京易》，延壽弟子也。荀悅《漢紀》云：‘京房受於梁人焦延壽，獨得隱士之說，託之孟氏。’劉校《易說》云：‘不與孟氏同。’葉夢得云：‘其言龐雜，專主卜筮。’兩人莫知為誰審為受延壽學者，《漢書·藝文志》不言章句，阮孝緒《七錄》有《京房章句》十卷，《錄》一卷。《隋》、《唐志》並云十卷。陸德明《釋文·序錄》云十二卷，今佚不傳。《正義》、《釋文》、李鼎祚《集解》間引之。晁氏、呂氏亦多引京說。採輯一卷，可與三家、費氏互考同異，而辨其是與非也。”

### 周易鄭康成註一卷

《隋志》：《周易》九卷，後漢大司農鄭玄注。

本書提要云：“《周易鄭註》一卷，宋王應麟編。《隋志》稱鄭玄、王弼二註，梁、陳列於國學，齊代惟傳鄭義。至隋，王註盛行，鄭學寢微。然《新唐書》著錄十卷，是唐時其書猶在，故李鼎祚《集解》多引之。宋《崇文總目》惟載一卷，所存者，僅《文言》、《序卦》、《說卦》、《雜卦》四篇，餘皆散佚。至《中興書目》始不著錄，則亡於南北宋之間，故晁說之、朱震尚能見其遺文。而淳熙以後諸儒，即罕所稱引也。應麟始旁摭諸書，哀為此帙。經文異字，亦皆並存。其無經文可綴者，則總錄於